

皇
明
詔
令

皇明詔令目錄

卷之七

仁宗昭皇帝

辭勸進令

永樂二十二年八月十一日

再辭勸進令

永樂二十二年八月十二日

三辭勸進令

永樂二十二年八月十二日

諭禮部具即位禮儀令

永樂二十二年八月

即位詔

永樂二十二年八月十五日

上

大行皇帝尊諡詔

永樂二十二年九月初十日

五

皇后

太子并封諸王詔

永樂二十二年十一月初三日

諭府部諸司求言勅

永樂二十二年十一月初三日

諭中外臣僚脩職勅

洪熙元年正月初四日

郊恩詔

洪熙元年正月十五日

諭廷臣毋諱直言勅

洪熙元年三月初七日

恤刑詔

洪熙元年三月十五日

免山東淮徐稅糧并停科買詔

洪熙元年四月初三日

纂脩實錄勅

洪熙元年五月初四日

遺詔

洪熙元年五月十二日

卷之八

宣宗章皇帝

辭請即位令

洪熙元年六月初七日

諭禮部擇日具即位儀令

洪熙元年六月初八日

即位詔

洪熙元年六月十三日

上

太行皇帝尊諡詔

洪熙元年七月初三日

上

聖母尊號并冊立

中宮詔

洪熙元年七月十五日

纂修獻陵實錄勅

洪熙元年八月

諭文武臣僚修職勅

宣德元年正月初三日

討漢藩事平宣諭京師勅

宣德元年八月二十日

討漢藩平班師詔

宣德元年八月二十二日

申諭廷臣修職勅

宣德二年正月初二日

上元賜假勅

宣德二年正月十二日

皇子生詔

宣德二年十一月十五日

立皇太子詔

宣德三年二月初六日

改立中宮勅

宣德三年二月十二日

諭法司勅

宣德三年二月十六日

諭禮部勅

宣德三年三月初四日

諭吏部勅

宣德三年三月初四日

諭戶部勅

宣德三年三月初四日

諭工部勅

宣德三年三月初四日

宣諭瑞應勅

宣德三年八月二十八日

處置王府差人勅

宣德三年八月二十八日

親征北虜宣捷詔

宣德三年九月十五日

卷之九

宣宗章皇帝

聖元賜假勅

宣德四年正月初一日

禁諭部院差官擾民勅

宣德四年五月二十四日

戒諭方岳風憲官勅

宣德四年五月二十八日

優免軍戶丁差勅

宣德四年六月二十八日

禁諭在外三司并巡按御史違令差官勅

宣德四年十月四日

禁諭在京諸司違令差官勅

宣德四年十月初四日

聖駕出郊太閑勅

宣德四年十月十九日

上元賜假勅

宣德五年正月初二日

考覈在外軍職勅

宣德五年二月初六日

薦壽聖節給群臣宴賞勅

宣德五年二月初九日

奉和寬恤勅

宣德五年二月二十日

剡聖慈辰輟朝勅

宣德五年四月二十四日

追奪誥勅勅

宣德五年五月初四日

採辦魚隻等項勅

宣德五年五月二十二日

選授郡守勅

宣德五年五月二十七日

龍駒鄧智勅

宣德五年七月十七日

考察府州縣官勅

宣德五年七月二十七日

冬至賜假勅

宣德五年十一月二十六日

上元賜假勅

宣德六年正月十四日

元旦食免賀勅

宣德七年正月初一日

季元賜假勅

宣德七年正月十四日

誅宦者袁瑋勅

宣德七年正月十九日

採辦勅

宣德七年二月二十七日

春和寬恤勅

宣德七年三月初一日

求賢勅

宣德七年八月初九日

嘉禾却賀勅

宣德七年八月十五日

上元賜假勅

宣德八年正月初一日

戒諭朝覲官勅

宣德八年正月十三日

災早肆赦詔

宣德八年四月十五日

因災戒諭廷臣勅

宣德八年四月十六日

恤囚勅

宣德八年六月二十日

切責廷臣廢職勅

宣德八年七月二十日

採辦勅

宣德八年八月初二日

差官審錄勅

宣德八年八月十八日

星瑞諭荅廷臣勅

宣德八年閏八月十七日

長至賜假勅

宣德八年十月三十日

獻歲賜假勅

宣德九年正月初一日

假日免朝勅

宣德九年正月二十六日

恤軍勅

宣德九年三月初一日

諭府部九卿勅

宣德九年四月十三日

採辦勅

宣德九年七月初六日

諭南畿撫按諸臣勘災勅

宣德九年八月二十一日

諭河南撫按諸臣勘災勅

宣德九年八月二十一日

停採辦勅

宣德九年八月二十一日

南畿被災賑貸勅

宣德九年十月二十四日

寬恤勅

宣德九年十月二十四日

諭勲臣放役勅

宣德十年正月初三日

諭畿輔停採辦製造勅

宣德十年正月初三日

遺詔

宣德十年正月初三日

嘉靖二十七年正月浙江布政使司校補

皇明詔令卷之七

仁宗昭皇帝

辭勸進令

永樂二十二年八月十

皇太子令諭文武群臣軍民耆老人等卿等忠誠存

於憂國而終

夫之痛方殷予心冀所陳詞益增哀切繼統之事
不忍聞所請不允

辭勸進令

永樂二十二年八月

十二日

皇太子令諭文武群臣軍民耆老人等省表具知卿等謂

天位不可以久虛生民不可以無主嫡長在予宜正大統惓惓陳請至再至三今國有戚四海生民如喪考妣况予父子情當何如予再惟亮汝之忠誠汝尚體予之哀懇所請不允

三辭勸進令

永樂二十一年八月

十二日

皇太子令諭文武群臣軍民耆老人等覽表俱知卿等盡忠國家經慮弘遠

大新之命誠難久虛今梓宮在庭山陵未復父子天
性人怨所同撫患雖勤予志已定所請不允
諭禮部具卽粒儀禮令

八月

大行皇帝上賓遺命朕躬俾承

大統顧在哀痛其忍遽承而宗親文武群臣軍民者

老四稟朝使咸秉一心奉表勸進卻而獲至

三四未已國之大計不可以不從人之忠告

不可以終拒爾禮部擇日抵令英國公張輔

告

天地定國公徐景昌告

宗廟寧陽侯陳懋告

社稷予即皇帝位其具儀以聞故諭

即位詔 永樂二十二年八月十五日

奉

天承運

皇帝詔曰朕惟

上天生民愛立君主仁育兆熙成底於泰和統御華

夷周鑒於熙綽我

先皇帝奉

天撫運化高於百王文德武功聲教被於四海
綠邊警塵龍御以親征逮及凱旋竟鼎湖之
升遐

遺命神器付子眇躬顧哀疚之方深豈遵承之遽
忍宗親公侯駙馬伯文武臣僚軍民耆老及
四夷朝貢之使俯伏闕下奉表勸進以爲天
位不可以久虛生民不可以無主長嫡承統
國家常經陳詞再三瀝懇勤切用是仰遵
遺命俯猶輿情已於八月十五日祇告

天地

宗廟

社稷即

皇帝位奉

祖考之洪祐仰

聖神之末圖屬茲蒞阼之初宣布繼新之命其以明

年爲洪熙元年所有合行事宜條列于後

一自永樂二十二年八月十五日昧爽以齋

吏軍民人等有犯除謀反及大逆子孫謀殺

祖父母父母妻妾殺夫奴婢殺主不赦外其

餘已發覺未發覺已結正未結正罪無大小

咸赦除之敢有以赦前事相告者必誅

罪案

一軍中將領軍將軍力士校尉舍人餘下等為
事犯罪發遣遠各處立功及消贖等項者准
行補免復還職役

一軍中為事犯罪發遣各處立軍養馬種田等
項者盡行補免復職

一軍官有為事被刑及罷開者除謀逆外其餘
現在者復其原職已故者子孫依例承襲
小將軍殺死軍者各復原職

一文武官吏軍民匠作人等有為事做工及運

磚拖石砌城運糧等項者悉宥其罪官吏復還職役軍還原伍匠民放寧家其風憲官有犯贓罪者不復其職放回原籍爲民當差

一文武官員并總小旗有爲事已復職役住支俸糧及半俸者照舊關支

一永樂十九年十二月終以前拖欠虧兌未完稅糧料豆戶口鹽糧及有報數在官而未曾送納者盡行蠲免仍免永樂二十二年戶口鹽糧一年其各處拖欠草束柴炭俱自永樂

二十一年十二月終以前盡行蠲免

一自永樂二十二年八月十五日以前逾年虧欠舊桑諸色課程倉糧鹽課魚課等項并倒死馬騾驢牛羊虧欠孳生等畜及拖欠蘆柴各處納欠銅鐵顏料蓆麻竹木等物并追贖珍珠等項未納各項贓罰賠追未完段正等件盡行蠲免

一各處軍民有為追賠孳生馬正官府逼追不得已將男女妻妾典賣與入以致流離困苦其能自存者詔書到日官司即為贖還毋得

托故延緩如子女年長已成婚配不在此例
今後倒死孳生馬疋只照洪武年間例追賠
一天下一應稅課照依永樂二十年以前舊額
徵收不許指以鈔法爲由妄自增添擾害閭
民違者罪之

一各處逃移人戶悉宥其罪許於所在官司首
告發回原籍復業免其差徭二年其戶口虧
欠稅糧盡行蠲免

一西洋諸番等國寶船悉皆停止如已在福
建太倉等處安泊者俱回南京將帶土物貨

仍前於內府該庫交收諸番國有進貢使臣
當面去者只量撥人船護送其去但係內外
所差官員即便回京民匠人等各放寧家

一往迤西撒馬兒罕失刺思等處買馬等項及
哈密取馬者悉皆停止將去給賜段疋磁器
等件就於所在官司明白照數入庫馬鞍轡
疋若係官給者仍交還官軍民買辦者仍給
還原買之人所有差去內外官員俱限十日
以裏起程赴京不許托故稽留

一雲南木邦緬甸麓州車里等處採取寶石等

項及收買馬疋等件者悉皆停止其給賜之物發與差來進貢使人順帶回去但係朝廷官員限十日以裏即便起程赴京官軍各回原衛着役不許稽留

一各處修造往諸番船隻悉皆停止其各處採辦鐵黎木只照洪武年間例餘停止

一但是買辦下番一應物件并鑄造銅錢買辦麝香生銅荒絲等物除買在官者即於所在官庫交收若未買者悉皆停止

一各處買辦諸色紵絲紗羅段疋寶石等項及

一應物料并磁瓶等處續造限正抄造紙劄燒造磁器採辦黎木板及造諸品海味菓子等項悉皆停罷其差去人員即便回京敢有指此爲由科歛害民者罪之

各處開辦金銀課除已煎銷見收在官外自今並行停止敢有不遵法度私自煎銷者罪之所差去開辦人員限十日內即便赴京不許托故稽留但係舊額歲辦課程銀并差發金銀不在此例

一交貼採金採珠及採辦香貨之類悉皆停止

交際一應買辦採取物件其詔書內該載未盡者亦皆停止所差去內外監督官員限十日以裏起程赴京並不許托故稽留虐害軍民

一各處自為營造採辦木植如已起程者隨到所在堆聚其未辦者悉皆停止軍民各效寧家所差去採辦官員人等限十日以裏起程赴京毋得托故稽留擾害軍民違者罪之

一浙江福建官臺山烏峯洞等處有等人民以被府縣及開辦營吏擾迫不得民怨弄山林

出沒爲盜詔書到日悉宥其罪令各回原籍
安生業永爲良民

一陝西四川僭運茶課已有起運者即赴所指
茶馬司交收未起運者悉皆停止

一各處造作除軍需外其餘不急之務盡行停
罷今後有司非奉

朝廷明文敢有一毫擅自科歛軍民者罪之

一逃軍逃囚逃匠人等詔書到日爲始許一月
內赴官自首與免本罪軍還原伍民還原籍
正復本業

通年爲事發去養馬當站及充通運驛夫皂隸膳夫軍伴之類法司即便撥替放回爲民不許延緩違者罪之

一被水旱缺食貧民有司即爲取勘賑濟

一民間一應有事故人戶拋荒田土有司即爲覈實取勘開報以憑從實除豁另行招人承佃中間如係官田即照民田例起科

一軍民中有鰥寡孤獨者有司依例存恤母令失所民年七十以上及篤廢疾者許令一丁侍養不能自存者官爲賑給凡軍民年八十

以上者所司給與絹二疋綿二斤米一斗肉
七斤時加存恤

一孝子順孫義夫節婦許所司保勘明白開具
實跡奏聞以憑旌表

一軍民之中有懷材抱德堪爲任用或屈在卑
僚或隱於山林所司薦舉以禮遣送赴京量
才擢用

一凡軍民利病許諸人直言無隱

一凡有貪官污吏蠹政壞法作弊害民詔書到
後不即改悔仍前貪虐者許巡按監察御史

按察司即便拿問解京

一自今官吏敢有指以催辦爲由輒自下鄉村科歛害平民者許諸人首告所司即便拿問解京

一諸司官員敢有容隱吏卒弓兵皂隸牢子及占衙門連年不替專一浸潤官長起滅詞訟說事過錢及稱主文等項名色在各衙門結攬寫發把持官府虐害良善者許諸人首告其所在按察司及巡按監察御史即便擒拿問罪解京

一諸司所問囚犯今後一依大明律科斷不許
深文違者罪之

嗚呼軍民一體愛人必務於寬弘賞罰有經爲國
必彰於明信尚賴文武賢弼中外良臣據乃
忠貞匡輔不逮用承鴻業隆國家永遠之業
嘉惠群黎廣海宇昭平之福敷告天下咸使
聞知

上 大行帝后尊諡詔 永樂二十二年九月初十日

皇帝詔曰朕惟自古聖君哲后有大功大德者必有
顯號徽稱以表揚鴻美垂萬萬年欽惟

皇考大行皇帝躬膺

天地統御兆民制治保邦隆繼述之大孝篤近舉遠

同覆載之至仁

神武弘廓清之功聖文廣緝熙之化

天地

宗社享於上華夏蠻貊戴於下輿圖充拓曠古所無

泰和融液嘉徵畢至海宇乂寧臻于熙皞

惟

皇妣仁孝皇后天稟元聖上配

宸嚴至順以承

天厚德以載物含弘光大端一誠莊隆化理之原
宗祧之敬宣期懿範母儀天下

神遊遠哀慕無窮屬茲繼序之初式舉尊崇之典
謹命文武群臣稽古禮文議薦謚號大公之
議輿論同祇告

天地

宗廟

社稷恭上

皇考太行皇帝尊謚

體天弘道高明廣運聖武神功純仁至孝文皇帝

廟號太宗

皇妣仁孝皇后尊謚

仁孝慈懿誠明莊獻配天齊聖文皇后於戲惟
神聖配乾坤蓋名言之莫罄惟光華同

日月著尊仰於不忘敷布臣民咸使聞知

辛巳皇后太子并封諸王詔 永樂二十二年十月十一日

奉

天承運

皇帝詔曰朕惟致理必先正內所以崇王化之基承
統必重建儲所以厚國家之本乃若重建宗

聖武永在藩維帝王大經典章斯在朕極
奉

天序君垂萬邦故茲臨御之初方切惟新之治念德
澤之未究耿寢夜其靡寧而親王勲臣文武
首辟志存愛國咸懷永圖屢表摠誠請立皇
后建皇太子稽率舊章勉循衆志已於十月
初八日冊立妃張氏爲皇后十一日立嫡長
子瞻基爲皇太子封次子瞻埈爲鄭王瞻墉
爲越王瞻塏爲襄王瞻垺爲荆王瞻埜爲淮
王瞻埜爲滕王瞻垺爲梁王瞻埜爲衛王漢

王嫡子瞻垣爲漢世子次子瞻塗爲濟陽王
瞻域爲臨淄王瞻埤爲昌樂王瞻堦爲淄川
王瞻坪爲齊東王瞻博爲任城王瞻垠爲海
豐王瞻邛爲新泰王趙王長子瞻垓爲趙世
子次子瞻塙爲安陽王秦隱王庶長子志均
襲封秦王楚昭王世子孟炆襲封楚王蜀憲
王嫡孫友埴襲封蜀王肅莊王庶長子瞻煥
襲封肅王遼簡王世子貴煥襲封遼王伊厲
王庶長子頤煥襲封伊王封蜀獻王之子悅
煥爲永川王孫支埴爲黔江王支堦爲羅江

王代王之子遜煇爲路城王遜熾爲山陰王
遜燁爲襄垣王遜炗爲靈丘王遼王之子貴
煇爲益陽王貴燭爲湘陰王貴熒爲衡陽王
韓憲王之子冲煇爲樂平王審王之子倭煇
爲武鄉王倭煇爲陵川王倭燭爲平遙王於
戲隆本支以溥於萬 仁厚之風永協雍
熙之化布告天下咸使聞知

諭府部諸司未言勅末樂二十二年十一月初三日

朕以菲德續承大統君臨億兆顧天下之廣
庶務之繁豈一人所能獨理亦惟賴文武賢

臣相與協德共圖康濟矧屬亮陰之際尤加
倚毗之心是以嗣位之初首詔中外旁求直
言此其竇意而涉月累旬言者無幾夫京師
首善之地四方之所視法或者人困於下而
不得聞弊膠於習而不知革爲國以得賢爲
重事君以進賢爲忠今居官者或廉貪雜處
賢否無別其何以望治効典兵者或部伍不
實紀律不肅其何以嚴防衛仕者之祿不足
而冗食之員甚衆法吏所尚平恕而罪人或
困於深文推之百司之務失豈皆適於中近

者如斯何以法遠豈非憲紀不振言路充塞
夫有功必賞有罪必罰賢者必進不肖者必
退至公之典朕不敢私卿等皆受股肱心膂
之寄無以直言而慮後譴君臣同體於至誠
必有嘉猷輔朕不逮以副倚重賢人君子之
意故諭

諭中外臣僚脩職勅

洪熙元年正月初四日

朕惟

天地以生物爲德人君以安民爲任設官分職簡賢
任能所以相承其功朕祇紹鴻圖仰惟

祖宗之創業守成之艱難夙夜惓惓法

天爲治嗣位之初蠲逋負赦有罪不急之務一切停
罷慎選賢良共圖維新之治期與天下安於
太平今天下庶事未盡理生民未盡安斯朕
之責亦爾文武群臣之責尚勉思之咨爾文
臣六卿掌國庶務布政司受任方隅守令典
郡邑大小庶官各有攸司其竭忠殫慮以安
黎民庶銓選必擇人賦稅必有常禮教必修
明兵政必振舉刑罰必平恕營繕必樽節凡
百政令必勤審度以存恤爲心內外相承興

利除害休息以蕃其生勸課以厚其本興學
勸士以正其俗以成其才必使吾民衣食充
足禮讓成風匹夫匹婦咸得其所斯爲稱職
咨爾武臣都府掌國之軍政都司控制一方
衛所邊圉各有信地其悉力衛國家簡閱訓
練必公必勤紀律部位必嚴必肅器械必堅
利城堡必脩繕糧交儲峙必足於用巡邏瞭
望必謹必備使奸宄屏跡吾民安於無事其
要以撫養軍士爲本卹其饑寒念其疾苦用
之於萬全斯爲稱職至於風憲爲朕耳目朝

政缺典吏治得失軍民利害百官有司孰賢
與否悉宜廉察必使官得其人政無不舉人
咸樂生斯爲稱職夫君臣一體上下相須朕
勉於脩德爾尚勵於忠貞弼成治化以躋斯
民於雍熙太和之盛不其偉歟朕代天子民
恪存戒飭不以小人備任使不以浮費傷財
力不以刑罰先教化不以貪黷勞士卒爾尚
體予至意以副職任惟忠足以事君惟仁足
以恤人惟勤則庶事集惟廉則公道存乃若
驕盈縱恣朋比用事貪暴掊剋漁獵吾民或

阿諛務爲容悅庸庸保位無補於時黜陟之
明賞罰之公典章俱在爾其欽哉故諭

郊恩詔
洪熙元年正月十五日

奉

天承運

皇帝詔曰朕惟君國之道事

天爲大事

天之實恤民爲本我國家

聖聖相承

太祖高皇帝肇基垂統弘靖萬邦

太宗文皇帝繼志守成德威廣被天下無事生民久
安六十年於今矣是皆

祖宗功德之盛實原

天地祐祚之隆肆及眇躬獲承鴻緒嗣位以來夙夜
祇慎上惟

天命之重下念生民之艱式嚴昭事庶臻康濟謹於
今年正月十五日恭祀

天地于南郊股肱助相群工駿奔

三靈交悅百順介祥嘉與臣民均膺慶澤一應各行

事宜條列于後

一農桑衣食之本學校風化之原有司宜加勸課在內從巡按御史在外從按察司巡督毋爲虛文務臻實效

一祀典神祇皆爲保庇生民有司奉祭務在誠敬不許褻慢

一天下嶽鎮海濱及各處山川社稷等壇帝王陵寢先聖先賢忠臣烈士旗毒城隍祠廟常須潔淨遇有損壞隨即修理仍禁約不許樵採牧放

一軍民之間有孝子順孫義夫節婦合該上司

覆審明白具跡奏聞以憑旌表

一軍民鰥寡孤獨及篤廢殘疾無依之人所司常加存恤依例廩養毋令失所

一有廉潔公正賢能幹濟之人未曾出仕或屈在下僚許所在官司薦舉務得真才實行以憑擢用不許徇私濫舉若考驗不中或後犯賊罪原舉之人連坐

一文職官員自永樂二十二年八月十五日以前有犯罪作辦事官及發充吏役承差者並送吏部授職但犯賊罪者不在此例

一武職官員子孫除應襲外其餘子弟果有德行可許才識優長者聽所在官司薦舉以憑取用

一文武官有因公幹在途病故者所在官司即以禮棺斂遞送還家若在任病故家小不能還鄉官爲依律應付脚力送回母令失所

一官員父母有年七十之上家無丁力去任還遠不能就養者許其明白具奏放回侍親待親終起復就用不得離職願分祿於原籍支給奉養者聽從其便

一 内外文職官員離家年久者許其明白具奏
挨次給假回還原籍省親祭祖

一 文職官員年七十之上不能治事者許明白
具奏放回致仕若無子嗣孤獨不能自存者
其有司月給米二石養其終身

一 自洪武永樂年間有充軍擺站等項後因保
舉復起爲官或見任病故或以禮去官皆免
其户下子孫補役見任年七十之上筋力衰
憊亦許引年致仕户下子孫仍免其軍伍補
役

一天下諸司文武官吏俸給每石折支鈔二貫
五百文近年米價騰湧日用不給除原支本
色米外其餘俸米每石折鈔二十五貫候年
豐糧積再行定奪

一朝廷建置文武官員所以統治軍民其間或
有官非其人不得軍民之心而軍民動輒綁
縛凌辱有傷大體今後凡有害軍害民官吏
被害之人赴合該上司陳告上司不爲准理
許訴於朝不得擅自綁縛違者治罪若受賊
及造反謀逆及逃叛者聽綁縛前來不拘此

分爲率減去三分每歲止辦七分實納本色
二分其餘五分照依原行折收鈔貫每束收
鈔貫就送所在官庫收貯支用

一廣東珠池及各處官封金銀場并江西饒州
燒造磁器官窰仍前禁止外其各處山場園
林湖池坑冶及果木蜂蜜等件原係民籍曾
經官府採取見今有人看守及禁約者詔事
到日聽民採取不許禁約如有原看守之人
各回職役

一各處逃移人戶詔書至日即回復業其戶下

通年拖欠稅糧悉與蠲免仍自復業之後再
免稅糧差役二年如乏牛犍種子者所司勸
諭糧長里長并有力之家互相給助耕種不
許生事擾害其有比先私家債負未還者限
三年後一本一利交還

一各處全戶充軍并全家死絕抄割人戶遺下
空閑荒蕪田土無人佃種者所司務要設法
召人開耕待三年後方徵稅糧不問官民田
俱係照本處民田例起科不許重加科擾違
者罪之

一各衛所官軍俸糧近年有因水旱等項民閭輸納未足倉無儲積以致官軍積欠不得給用詔書到日各府州縣將永樂二十年分拖欠稅糧各照當地時價聽民折納鈔貫布絹頭畜等物就於本處官司收貯仍查勘各衛所官軍通年未關俸糧明白見數挨次將前項折納物件依原折米數給付官軍收用其支給餘剩之物儲貯別用

一各處勾補軍役已有定例其有委係丁倒戶絕者取具所在官司執結回報衛所即爲轉

達該府兵部以憑開豁毋得展轉勾攝剝削
無辜亦不許指此爲由一槩將有丁之家徇
私賣放空歇軍伍違者各治以罪

一各都司衛所屯田官軍今後務依原定分數
下屯不許一槩差占失悞農業年終監察御
史按察司比較其間多有艱難辦納子粒不
敷今後除自用十二石之外餘糧兌其一半
止納六石

一各處孳生馬疋舊例每年納駒一疋中間多
有駒不及數著令賠補積累年久貧無賠償

多致失所今聽兩年納駒一疋永爲定制
有兩年納駒兩疋者量爲賞鈔以旌其勤
四川保寧等府所屬茶課其原額官茶自洪
熙元年以後者照洪武年間例辦納價買民
茶盡行罷免若官倉見積茶數堪中換馬者
仍留支用芽茶依當地時價作官吏俸錢支
用其不堪換馬茶葉明白具奏覆驗燒毀衆
致堆積累民

各處遇有水旱災傷所司即便從實奏報以
憑寬恤毋得欺隱坐視民患

一旌善申明亭所以勸善懲惡有司亦常加整
點遇有善惡明白書之庶以激勵風俗毋徒
視為虛文

於戲郊裡致誠所以仰答靈貺陽春布德所以順
體乾元迎導至和蕃育庶品尚質有位咸登
乃官推其仁愛之誠輔我太平之治詔告中
外咸使聞之

諭廷臣毋諱直言勅

洪熙元年三月初七日

朕以眇躬處億兆之靈御天下之太機務之
繁殆難獨理是以下詔求直言冀匡不逮之愆

之實心也。自即位以來，臣民上章以數百計。朕未嘗不欣然聽納言之，而當即與施行。苟有不當，未嘗加譴。此皆群臣所共知者。間因大理寺少卿戈謙所言，過於矯激，多非實事。朕一時不能禁於心，而群臣有迎合朕意者。交章奏其責，宜欲置諸法。朕特優容，令在職視事，不得朝參。而自是以來言者，蓋少。豈爲無事可言歟？抑懷自全之計，而退爲默默歟？今自冬不雪，春亦少雨，陰陽愆期，必有其咎。豈無可言而爲人臣者，惟念保身亦何以爲？

忠朕之一時不能含容蓋未嘗不自省爾文
武群臣亦各思以君子之道自勉據其嘉議
嘉猷凡遇國家軍民利有未興弊有未革及
政令有未當者咸直言之勿以前事爲戒而
有所諱庶幾君臣相與之義戈謙自明日
後仍舊朝叅故諭

恤刑詔

洪熙元年三月十五日

奉

天承運

皇帝詔曰朕惟承大統爲天下生民之主惟我

皇祖

皇考愛民之仁，祗率不怠。且夕思念人命甚重，哀矜庶獄，惓惓在懷。夫刑以禁暴，止邪道，民於善。豈專務誅殺哉？故律令之制，善善長而惡惡短，罰之輕重咸適。厥中顧執法之吏不能皆平，有虛飾其情，傳致死罪，而比附謬妄尤甚。枉人朕甚憫之。夫五刑之條，莫甚大辟之施。身首異處，斯已極矣。自今犯死罪律，該凌遲者，依律科決其餘死罪，止於斬絞。法司不許牽合傳會，昧情失實，以致冤濫。若一時過於

族惡律外用籍沒及凌遲之刑法司再三執奏三奏不允至於五奏五奏不允同三公及大臣執奏必允乃已未爲定制文武諸司自今亦不許恣肆暴酷於法外用鞭背等刑以傷人命尤不許加人官刑絕人嗣續有自官者以不孝論且人之爲非固有父子不相爲謀者肆虞舜爲君罰弗及嗣文王之世罪人不孥自今惟犯謀反大逆者依律連坐其餘有犯止坐本身毋得一縣處以連坐之法古之盛時恒採民言用資警戒今克險之徒往

往撫拾誣為誹謗法吏刻深鍛鍊成獄刑之
失中民則無措今後但有告誹謗者一切勿
治爾中外文武群臣且端乃志悉乃心畏
天愛人務崇寬恕庶有以佐朕父母斯民之治有或
違者必罰不貸布告天下咸使聞知

賜免山東淮徐稅糧并停科罰詔
洪熙元年四月初三日

奉

天承運

皇帝詔曰朕承大統主宰天下上惟

天命之重下念生民之艱夙夜憂勞惟恐一夫不得其所屢詔求言異達民隱而山東諸郡及淮安徐州之境頻歲旱潦年穀無收民有乏於衣食父母妻子不得相濟凍餒呻吟流于道路郡縣之官畧不留意而又有科派之擾豈稱爲民之父母哉可全免今年夏稅其秋糧減半徵收自今年四月以前各衙門一應收買及科派物件除桑穰仍納外其餘未到官者盡行停罷已到官者從實起解不許欺隱若實無見物先已虛報在官者亦不許再科

於民以足其數虛報之罪俱宥不問其郡縣
之官務盡撫輯安養之宜毋縱貪刻以重困
乏庶幾副朕憫恤黎元之意故茲詔示想宜
知悉

纂脩實錄勅

洪熙元年五月初四日

恭惟

皇考太宗文皇帝以元聖大德順

天應人君臨萬邦爲人民之主者二十三年駿揚武

功則載奠

宗社一清寰宇丕顯文教則興脩禮樂崇極治化至

仁侔覆載至明均日月上比隆於列聖下儀
範於萬年雨畢

山陵求懷繼述仰惟

寶錄未有成書卿等咸逮事

先朝職典斯事任集賢聖博稽簡書協恭纂脩
盡精懇用宣昭我

皇考聖德大業光華覆被於無窮其以太師英國公
張輔少師吏部尚書塞義少保兼太子少傅
戶部尚書夏原吉爲監脩少傅兵部尚書兼
華蓋殿大學士楊士奇少保戶部尚書兼武

英殿大學士黃淮太子少傅工部尚書
身殿大學士楊榮太子少保禮部尚書武英
殿大學士金幼孜太常寺卿兼翰林院學士
楊溥爲總裁所有合行事宜條列以聞欽哉
故諭

遺詔 洪熙元年五月十二日

奉

天承運

皇帝詔曰朕以菲德嗣承

祖宗洪業君臨天下甫及踰年上惟

念

皇考太宗皇帝山陵未遠迫切哀誠下惟憫海內黔黎凋瘵未復憂勞夙夜時用違疾奄至大漸夫死生者晝夜之常理往聖同轍奚足悲念惟

宗社民生必有君主長子皇太子瞻基

天稟仁厚孝文英明

先帝既期其大器臣民咸欽其令望宜即皇帝位以奉神靈之統撫億兆之衆朕既臨御日淺恩澤未浹於民不忍復有重勞山陵制度務使

儉約喪制用以日易月中外皆以二十七日
釋服無忌嫁娶音樂在外親王藩屏爲重不
可輒離本國各處總兵鎮守備禦重臣及文
武大小官員亦無擅離職守聞喪之日止於
本處朝夕哭臨三日悉免赴闕行禮

皇考太宗皇帝服制仍遵去年八月之令

嗚呼南北供億之勞軍民俱困四方嚮仰咸屬南
京斯亦吾之素心君國子民宜從衆志凡中
外文武群臣咸盡忠秉節佐輔嗣君用永寧
我國生民朕無憾矣詔告中外悉使聞知

15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100